

ԱՆԱՅԻՏ ԽԵՉՈՒՄՅԱՆ

ԱԿՆԱՐԿ ԱԶԳԱՅԻՆ ԱԶԱՏԱԳՐԱԿԱՆ ՊԱՅՔԱՐԻ
ԵՐԳԵՐԻ ՇՈՒՐՋ

Հայ ժողովրդի դարավոր պայքարը օտար բռնակալների դեմ ծնել է բանաստեղծական ստեղծագործություններ, ասքեր, վիպական երգեր, որոնց մեջ արտացոլվել են այդ պայքարի հերոսական էջերը: Ժողովրդական այդ ստեղծագործությունների մեջ առանձին շահեկանությամբ աչքի են ընկնում ռազմի երգերը: Որոնցից առաջին նմուշներից են «Լևոնի երգը», «Տաղ քաջ Լիպարտին» և այլն:

«Լևոնի երգի» հիմքում ընկած է Կիլիկյան Հայաստանի Լևոն արքայազնի պատմությունը/1266թ./: Պատմական հենքի վրա են ձևված նաև Լիպարիտ գորավարին նվիրված բանահյուսական բազում ստեղծագործություններ, որոնց մեջ հատկապես ուշագրավ է «Տաղ քաջ Լիպարտին» երգը: Այստեղ քնարական անմիջականությամբ գովերգվում են 1370թ. Տարոնի թուրք ամիրապետի զորքերի դեմ մղված կռիվներում հերոսաբար ընկած մեծանուն գորավարի արժանիքները:

Առանձին շարք են կազմում ռուս-պարսկական և ռուս-թուրքական պատերազմների շրջանում 18-19-րդ դդ. հորինված ռազմի երգերը, որոնց մեջ գեղարվեստական արժանիքներով աչքի են ընկնում «Լոռվա Մելիքի երգը», «Հորդոր», «Գովեստ Արշակ Տեր-Ղուկասյանի» երգը և այլն: Սրանց մեջ փառաբանվում են կովկասյան զորաբանակի հրամանատար Մելիքյանը, մեծանուն գեներալներ Տեր-Ղուկասյանը, Ղազարյանը և ուրիշներ:

Ռազմի երգերի մեջ, սակայն, նշանակալից բաժին են կազմում ազատագրական պայքարի երգերը, որոնք գլխավորապես հորինվել են Արևմտյան Հայաստանում 19-րդ դարի վերջում և 20-րդ դարի սկզբում ծավալված ազատագրական պայքարի թոհուրթոհի մեջ: Այս շրջանում հայ հասրակական մշակութային կյանքը ներթափանցված էր արևմտահայության ազատագրության գաղափարներով: Թուրք բռնակալության լուծը թոթափելու համար հայդուկային պայքարին էին զինվորագրվում բազմաթիվ գյուղացիներ, որոնք իրենց խաղաղ ստեղծարար աշխատանքը թողած, զենքը ձեռքին կենաց մահու կռվի մեջ էին մտնում ի սեր ազատության, սոցիալական արդարության:

Ազատագրական պայքարի երգերը արտացոլում են պատմական իրականությունը, պայքարի բոլոր ուղղությունները ու գլխավոր առանձնահատկությունները, որոնք հատկորոշվում են պայքարի համազգային, միասնական կենտրոնի բացակայությամբ, հայրենասիրական կազմակերպությունների, ան-

հատ կամավորների, կամավորական ջոկատների գործունեությունը: Այդ երգերը պատմում են նաև հայդուկային երգերի, առանձին բնակավայրերի զինված ինքնապաշտպանության և սրանց ուղեկցող ձերբակալության աքսորի, արյունահեղությունների մասին: Ազատագրման պայքարի այդ երգերը հորինվել և կազմավորվել են զեղարվեստական և ոճական տարբեր հենքերի վրա: Ինչպես աշուղական, այնպես էլ գրական ծագում ունեցող ռազմի երգերը ընկալվել են իբրև ժողովրդական ստեղծագործություններ: Սա մեծապես պայմանավորված էր երգերի թեմատիկ ընդգրկումով, գաղափարներով, մոտիվներով լեզվաարտահայտչական միջոցներով և այլն: Ազատագրական պայքարի երգերը ծնունդ են առել հայ հասարակական կյանքի թելադրանքով, ուստի պատահական չէ այն գաղափարական, զեղարվեստական ընդհանրությունը, որը նշմարվում է ազատագրական նույն ոգորումների ճանապարհով ընթացող հույների, բուլղարների, հարավսլավացիների, հունգարների ժողովրդական բանահյուսության, հայդուկային և մեր ֆիդայական երգերի մեջ:

Ազատագրական պայքարի երգերը ըստ տեղի, ժամանակի կարելի է խմբավորել հետևյալ կերպ՝

ա) զեթունի երգեր, բ) հայրենասիրական կազմակերպություններին և կուսակցություններին նվիրված երգեր, գ) Մուշ-Սասունի և Վասպուրական – Շատախի երգեր, դ) հայդուկային (ֆիդայական) երգեր:

Զեթունի երգերում իրենց արտացոլումն են գտել լեռնաբնակ հայության անգիջում, հերոսական պայքարը ընդդեմ թուրք զավթիչների: Այդ երգերը զեթունցիների ինքնապաշտպանական կռիվների հարյուրամյա (1780-1895թթ.) պատմությունն է, որ շարադրել են աշուղ երգիչները: Զեթունյան երգաչափի մեջ կիրառված է վիպական բանահյուսությանը հատուկ սկզբունքը՝ օտար նվաճողների և ազատաբաղձ հայրենասեր ուժերի մեջ ծավալված պայքարը: Այստեղ վիպական բանահյուսության օրենքով հայրենիքի փրկությանը նվիրված հերոսները հաճախ գաղափարականացվում են՝ օժտվելով ժողովրդական մարտիկին բնորոշ լավագույն առաքինություններով: Այս է պատճառը, որ զեթունյան շարքի երգերի մեջ գերիշխում են գովքի երգերը, որոնք կատարվել են թե խաղաղ ժամանակ և թե մարտի դաշտում: Այդ երգերը նվիրվել են մեծանուն հայրենասերներ Եղիա Նորաշխարյանին և Փանոս Չոլազյանին: Զեթունյան երգաչափի առավել հայտնի միավորներից են «Երգ Զեթունի» («Արև ելավ, Զեթունցիներ») «Երգ Զեթունցվոց» («Զեթունցի ենք, ժայռի ծագ ենք»), «Զեթունցիք» («Զեթունցի ենք մենք քաջազունք») երգերը: Սրանք աչքի են ընկնում մարտաշունչ տրամադրությամբ, պայքարի վեհազնիվ կոչերով, որոնք ազդեցություն էին թողնում ժամանակակիցների վրա՝ նրանց մղելով նորանոր հերոսացումների:

Արևն ելավ, զեթունցիներ,
Դեհ, ձի հեծնենք, առնենք զենքեր,
Դիմենք առաջ,
Ինչու, ինչու զլուխ ծռենք,

Քոնսվորին մեր վիզ պարգած:

Հակառակ իր կարծատն կյանքին՝ այդ կազմակերպությունը նշանակալից դեր կատարեց արևմտահայության ազատագրական պայքարի տարեգրության մեջ: «Պաշտպան հայրենյաց»-ի գործունեությանն են նվիրված նշանավոր «Կարնոց շարժումը» երգը:

Չայն հնչեց երգումի հայոց լեռներեն,

Թունդ թունդ եղան հայի սրտեր

զենք շայյունեն

Հայ ժողովրդի արևմտահայ և արևելահայ հատվածները սպասում են երգումից (Կարինից) հնչելիք ազդանշանին: Երգի իմաստային կիզակետը իրեն զվստվոր պատգամ հնչող միասնության կոչն ու ոգորումի հորդողն է: Ուսումն ու լույսը ազատության, այդ քեզ են ընկեր, Սուր, հրացան, եռանդ ռազմի պաշտպան անվհեր:

Հայ հասարական, քաղաքական կյանքում կարևոր դեր է կատարել «հայ հեղափոխական դաշնակցություն» կուսակցությունը: Ուստի պատահական չէ այն ջերմ վերաբերմունքը, որ հայ հասարակության շատ երևելի ներկայատուցիչներ իրենց ազգային քաղաքական ակնկալությունների իրագործումը կաում էին այդ որդեգրած սքափ, իրատես գործունեության հետ: Այդ ակնկալությունները և սպասումները իրենց բանաստեղծական դրսևորումն են գտել շատ երգերի մեջ: Ժողովրդական զանգվածները իրենց անկեղծ աջակցությունն ու գորակցությունն են հայտնում այդ կուսակցությանը և իրենց ճակատագիրը վստահում նրանց:

Մուշ-Սասունի, Կասպերական-Շարախի երգերը հյուսվել են աշխարհագրաան համապատասխան տարածքներում: Այդ երգերը, բանաստեղծական վիպասքի հայտնի սկզբունքներով պատմում են Արևմտահայաստանի այդ տարածքներում հայ ժողովրդի վարած հերոսական պայքարը: Ազատագրական այդ պայքարը առաջ են տանում կամավորական ջոկատները կամ անձնագոհ անհատները: Մշո դաշտում ծավալված ազատագրական կռիվները իրենց քնաան դրսևորումներն են գտել «Մուշ, ախ իմ հայրենիք», «Ես Կարապետն եմ մշեցի», «Ողբ», «Քամին եկավ երամ-երամ» սկզբնատողով երգերում: Ի տարբերություն Մուշի երգերի՝ Սասունի երգերը աչքի են ընկնում խրոխտ մարտականությամբ: Սասնո քաջերի սխրանքների մասին պատմող այդ երգերը կոչվել են շեր: «Շեր կապելու» կամ հորինելու մասին վաղագույն հիշողությունը գտնում ենք 7-րդ դարի պատմիչ Հովան Եպիսկոպոս Մամիկոնյանի Տարոնի պատմության մեջ: Սասունում շեր են կապել մասնավորապես քաջությամբ աչքի ընկած հերոսների մասին: Այդ երգերում հախուռն անմիջականությամբ գովաբանվում են սասունցիների քաջագործություններն ու սխրանքներն:

19-րդ դարավերջին և 20-րդ դարասկզբին տեղի ունեցած հայտնի դեպքերի արծագանքներն են լավում այնպիսի նշանավոր երգերի մեջ, որպիսիք են Ազու

երգը», «Տալվորիկցի կտրիճ», «Սասունցոց զանգաւորը», «Սասունի պատե-
ագմը», «Սասունցոց երգը», «Կտրիչ սասունցի», «Սասուն» երգերը: Սրանց մեջ
ապրում է սասունցիների անպարտելի ոգին: Նույնիսկ ծայրասիւման դժվարին,
անհուսալի պահերին սասունցիներն իրենց մեջ ուժ են գտնում գոտեպնդելու
հայրենակիցներին («Սասուն»):

Իսլամական գող վաշտերը կատաղի
Պաշարեցին մեր լեռները սոսկալի,
Մի վիատիր քաջ Սասուն
Մեզ համար չէ նորութուն,
Մեր պապերից սվորել ենք
Մեռիլ տղամարդի պես,
Զոր մեզ թողին հիշատակ:

Քիչ չէ նաև թիվն այն երգերի, որոնք հորինվել են Վասպուրականում և
Շարախում 19-րդ դարի 80-90-ական թվականների հայտնի իրադարձություն-
ների ազդեցության տակ: Այս շարքի հայտնի միավորներից են «Շարախու
սարեր անուշ զուլան», «Վանեցոց երգ», «Խաբար տարեք հարին, մարին:
«Կռվեցեք տղերք», «Խանասոր» երգերը: Ի տարբերություն նախորդ շարժի,
այստեղ նկարագրվում է ոչ թե այս կամ այն զինյալ բախումը, այլ բախման
ողբերգական հետևանքը: Երգերում անկեղծ հուզմունքով պատմվում է
ժողովրդի նվիրյալ ֆիդայիների նահատակության տխուր մանրամասները,
որոնք դառնում են առավել ներազդու, հատկապես կրկնակների մեջ:
Հիշատակության արժանի է հատկապես «Կռվեցեք տղերք, կռվեցեք քաջ-քաջ»
և «Խանասոր» երգերը: Առաջինը քայլերգային բնույթ ունեցող երգ է, ուր
խրոխտ ծայրով հնչում է պայքարի կոչը: Այս ստեղծագործությունը վեհազնիվ
հայի մի ճշմարիտ խոսք է, հույս՝ ազատ և անկախ Հայաստանի ապագայի
նկատմամբ: Այս պայծառ հուսո իրականացման համար հայ կտրիճը չի
խնայում իր կյանքը.

Կռվեցեք տղերք, կռվեցեք քաջ-քաջ
Անվեհեր կանգնած թշնամու առաջ.
Ցանկալի է մեզ միշտ ազնիվ մահը...

«Խանասոր» երգում նկարագրվող անցուդարձը տեղի է ունեցել
1897թ. ամռանը: Հաղթանակը ֆիդայիների կողմն է: Թեպետ հայ կտրիճները
լքված են անհուն վրեժխնդրությամբ, սակայն նրանց երբեք չի լքում մեր
ազգին այնքան հատուկ վեհամոծկությունն ու մեծահոգությունը:

Կարկուտ տեղաց Խանասորա դաշտումը,

Ֆիդայիներ, դաշնակցական, վրեժ առած հակումը:

Ազատագրական երգերի մեջ մեծ թիվ են կազմում բացառիկ հերոսու-
թյամբ աչքի ընկած առանձին ֆիդայիներին նվիրված երգերը: «Ֆիդայի» բառը,
որ նշանակում է «անձնագոհ», «նվիրյալ», հայ իրականության մեջ է ներմուծվել
բալկանյան ժողովուրդների ազատագրական բռնի անցած պատմական փոր-

ծի հիման վրա: Այն համարժեքն է հայդուկ բառի: Ժողովրդական երգարաններում այդ երգերի լայն ընկալումը, դրանց հարատև լինելը մինչև մեր օրերը իրապես վկայում են ֆիդայական երգերի համազգային հնչեղության մասին: Բանաստեղծական կատարելությամբ աչքի չընկնող այդ ստեղծագործությունները իրական արժեք են ձեռք բերում երաժշտախոսքային և կատարողական միասնության մեջ միայն: Ֆիդայական երգերի կենցաղավարման մեջ առանձին նշանակություն է ունեցել երգի կատարողական, կիրառական կողմը, քանզի շատ հաճախ այդ կողմն է պայմանավորել երգի թողած ազդեցության չափն ու որակը:

Որն է եղել այդ երգերի նպատակը գոտեպնդել, բարձր պահել ժողովրդի ազգային արժանապատվությունը, դաստիարակել պայքարելու և իր անկախությունն ու ազատությունը սեփական ձեռքերով կռելու վճռականությամբ:

Ֆիդայական երգերն ընդգծված պատմահայրենասիրական բնույթ ունեն: Այդ երգերը ծնվել են ռազմական իրադարձությունների բուռն ընթացքի ու թոհուրեհի մեջ: Ուստի պատահական չէ, որ դրանց մեջ արտացոլված է իրականությունն իր բոլոր մանրամասներով: Մանրամասներ, որը ներկայացնում է ֆիդայու հերոսական կերպարը, որ մասամբ պատկերագծված է վիպասը, հայտնի սկզբունքների կիրառումով: Իրենց տեսակի մեջ եզակի հետաքրքրությամբ են հատկորոշվում «Արաբոյի երգը», «Աղբյուր ջան», «Սերոբ փաշի հիշատակին», «Սոսեի երգը», «Գևորգ Զավուշի երգը», «Անդրանիկին», «Անդրանիկի երգը»: Այս երգերում բարձր ներշնչանքով գովերգվում են հերոսների սխրանքները, նրանց ներքին և արտաքին բարեմասնությունները, մարդկային առաքինությունները: Ժողովրդական գովասանքի մեջ գողտրիկ նմուշ է «Սերոբ Աղբյուր» երգը, ուր բանահյուսական տարբերակով բնութագրվում է սիրված հերոսի արժանիքները.

Ի գիթ սիրտը քաջ Սերոբի Արևի պես
Նեմրութ սարում լույս կուտայ...

Աղբյուր Սերոբին նվիրված մեկ այլ երգ ոչ այն ինչ է, քան նրա մարտաշունչ կոչը իր ժողովրդին: Ոգի՜ ի բուռն պայքարի դուրս գալու անարգ թշնամու դեմ: Ստեղծագործության մեջ «թող գա» արտահայտությունը, երգը դարձնում է առավել կենդանի ու ներգործուն.

Ով որ քաջ է, ինչ կսպաս է,
Արդեն ժամանակն է, թող գայ,
Մահ, պատերազմի օրհաս է,
Ով որ անկախ քաջ է՝ թող գայ:

Վիպական հերոսներին վայել գծերով է օժտված Գևորգ Զառուշը: Ժողովրդի սիրելի ֆիդային գովերգուն է աշուղական արվեստի ընդունված

օրենքով: Նա չափազանց գեղեցիկ է, քաջ, արդարամիտ, ազատագրության գործին անհունորեն նվիրված:

Թուրքը լսավ անունդ Չաուշ,
Դեմքդ սիրուն, լեզուդ անուշ,
Կյանքիդ մեջ հանգիստ չունեցար,
Սասուն է քո ապաստան,
Վրեժ է քո դատաստան:

Առանձին շարք են կազմում Հայ ժողովրդի մեծագույն հերոսներից մեկին՝ Անդրանիկին նվիրված երգերը: Սրանց մեջ մեծ խանդավառությամբ երգվում է Անդրանիկի ռազմավարական տաղանդը, հայրենասիրական խանդը: Նրա դյուցազնական կերպարը ներշնչանքի աղբյուր և օրինակ է եղել բազում ֆիդայիների, ժողովրդի ազատագրության գործին զինվորագրված հայ մարդկանց համար: Այս է պատճառը, որ նրա մասին հյուսված երգերը գլխավորապես զուգի երգեր են:

Իբրև արծիվ սավառնում ես լեռ ու ժայռ,
Թնդացնում ես երկինք-գետինք տենչավառ
Սուրբ անունդ պիտի հիշվի դարեդար
Հսկա լեռներ քեզ ապաստան, Անդրանիկ:

Ֆիդայական երգերում առկա են նաև նրանց մտերմության, համագործակցության մասին ակնարկող առանձին դրվագներ: Այսպիսին է օրինակ «Սերոբ Փաշայի երգը», ուր սրտալի անմիջականությամբ, Աղբյուր Սերոբի շուրթերով խոսվում է իր և Անդրանիկի հարաբերության, ընկերական հավատարմության մասին, այն անդրադարձն է Սերոբի ողբերգական վախճանի (1899թ. նոյեմբեր):

Գնդակ որոտաց նոյեմբեր ամսուն,
Պաշարված ենք մենք, իմ սիրուն Սոսե,
Վեր առ մոս ինձ, քաջություն հոս է,
Քո սիրած Սերովին օրինյալ օրն այս է:

Այս փոքրիկ ակնարկը ցույց է տալիս, որ ի տարբերություն նախորդ երգերի, ֆիդայական երգերի մեջ զետեղված են հայրենասիրական բարձր զգացմունքները և մտերմիկ շունչը, որոնք առավել հարազատ ու ընտանի են դարձնում այդ երգերը: Հենց այդ հատկությունների մեջ է ֆիդայական երգերի մոզոլ հմայքն ու անանց գեղեցկությունը:

Օգտագործված գրականության ցանկ

1. Ասատուր Մնացականյան, Միջնադարյան ժողովրդական երգեր (Երևան 1956թ.)
2. «Հայ ժողովրդական ռազմի և զինվորի երգեր» (Երևան 1989թ.)
3. «Ժողովրդային երգարան», հրատ. «Երևան» Բոստոն-Վաշինգտոն
4. Պատմություն Տարոնոյ աշխատությունը Աշոտ Աբրահամյանի (Երևան 1941թ.)